

穴在外踝上絕骨端陷者中是○次灸崑崙  
 二處各七壯穴在外踝後跟骨上陷者中是  
 治風灸上星及百會各二百壯前頂二百四  
 十壯腦戶及風府各三百壯一云治大風灸百會七百壯  
 治百種風灸腦後項大椎平處兩廂量二寸  
 三分須取病人指寸量兩廂各灸百壯得瘥  
 治風耳鳴從耳後量八分半裏許有孔灸一  
 切風得瘥狂者亦瘥兩耳門前後各灸一百  
 壯  
 治卒病惡風欲死不能語及肉痺不知人灸  
 第五椎名曰臑輸百五十壯多至三百壯便  
 愈  
 心輸穴在第五節一云第七節對心橫三間  
 寸主心風腹脹滿食不消化吐血酸削四肢  
 羸露不欲飲食鼻衄目胸疏眈不明肩頭脇  
 下痛小腹急灸二三百壯  
 大腸輸在十六椎兩邊相去一寸半主風腹  
 中雷鳴腸澼泄利食不消化小腹絞痛腰痛  
 疼墜或大小便難不能飲食灸百壯三日一  
 報

掖門在掖下橫毛中一寸名太陽陰一名掖  
 間灸五十壯主風  
 絕骨在外踝上三寸灸百壯治風身重心煩  
 足脛疼  
 孫真人備急千金要方卷之二十五  
如六



孫真人備急千金要方卷之二十六 切七

治諸風方

賊風第三論方

桂枝酒治肝虛寒卒然瘖啞不聲踞坐不得

面目青黑四肢緩弱遺失便利屬風所損方

桂枝 芍藥 獨活

牛膝 薯蕷 甘草各三兩

附子二兩 防風 茯苓

天雄 茵芋 杜仲

薊蕪根 白朮各四兩 乾薑五兩

踴躅 猪椒葉根皮各一

大棗四十枚

右十八味咬咀以酒四斗漬七日每服四

合日二加至五六合

肝風占候其口不能言

當灸鼻下人中次灸大椎次灸肝輸第

九椎下是五十壯餘處隨年壯眼暗灸

之得明二三百壯良

大定心湯治心氣虛悸恍惚方見別卷中

乾薑附子湯治心虛寒風半身不遂骨節離解緩弱不收便利無度口面喎邪方

乾薑 附子各八 桂心

麻黃各四 芎藭各三

右五味咬咀以水九升煮取三升分三服

三日後服一劑

側子酒治心寒或笑或呻口欬方見別卷中

芎藭湯治卒中風四肢不仁善笑不息方

芎藭一兩 黃芩 石膏一兩

當歸 秦朮 麻黃

桂心 乾薑 甘草各一

杏仁二十枚

右十味咬咀以水九升煮取三升分三服

荆瀝湯治心虛寒陰氣傷寒損心驚悸悸語

聲寬急混濁口喎冒昧好自笑厲風傷心方

荆瀝升三 母薑一升 麻黃

白木 芎藭各四 防風

桂心 升麻 茯苓

遠志 人參 羌活

當歸各三 防己 甘草各二

右十五味咬咀以水一斗五升煎麻黃兩沸去沫次下諸藥煮取三升去滓下荆瀝薑汁煎取四分分四服日三夜一

白木酒補心志定氣治心虛寒氣性反常心

手不隨語聲冒昧其疾源厲風損心具如前

方所說無窮

白木 地骨皮 荆實各五

菊花三

右四味以水三石煮取一石五斗去滓澄

清取汁釀米二石用麴如常法酒熟隨能

飲之常取半醉勿令至吐

治心風寒方

灸心輪各五十壯第五節兩邊各一寸

半是

依源麻黃湯治脾虛寒厲風所傷舉體消瘦

語音沉澀如破鼓聲古強不轉而好咽唾口

紫脣黑四肢不舉身重如山便利無度方別

半夏湯溫中下氣治脾寒語聲憂懼舌本捲

縮噴喜無度慘悶恍惚脹滿方

半夏 大麻仁熟研生薑

芍藥 茯苓 五味子

桂心 橘皮各三 白木四

附子五 甘草二 大棗十

右十二味咬咀以水一斗二升煮取三升

去滓下大麻人脂更上火一沸分三服

當歸圓補脾安胃調氣止痛治脾虛寒身重

不舉語音沉澀厲風傷痛便利無度方

當歸 酸棗仁 乾薑各八

芎藭 乾地黃 天雄六

地骨皮 黃耆各七 大棗二十

吳茱萸五 甘草 秦椒葉

厚朴 秦朮各四 桂心

防風 附子 白木各五

右十八味為末蜜丸如梧子酒服三十九

加至四十九日再服

脾風古候聲不出或上下手

當灸手十指頭次灸人中次灸大椎次

灸兩耳門前脈去耳門上下行一寸是

次灸兩大指節上下各七壯

治脾風方 脾風者總子為八風

灸脾輸夾脊兩邊各五十壯凡人脾輸無定所隨四季月應病即灸臟輸是脾

穴此法甚妙

依源麻黃續命湯治肺虛寒厲風所中嗑吸戰掉聲嘶塞而散下氣息短憊四肢痺弱面色青能遺失便利冷汗出

麻黃六兩 大棗五十枚 杏仁

白木 石膏各四兩 桂心

人參 乾薑 茯苓各三兩

當歸 芍藥 甘草各二兩

右十二味以水一斗二升煮麻黃去沫次下諸藥煎取三升去滓分三服舊方無白朮茯苓今方無黃芩轉以依經逐病增損

八風防風散治肺寒虛傷語音嘶下拖氣用力戰掉緩弱羸瘠厲風入肺方

防風 獨活 芍藥

秦椒 乾薑 黃耆

附子二十枚 天雄 麻黃

五味子 山茱萸 石膏各三十斤

秦艽 桂心 薯蕷

細辛 當歸 防己

人參 杜仲各三斤 甘草十二斤

貫衆二斤 甘菊 紫苑十二斤

右二十四味治下肺每服方寸匕酒調進至兩七日再

溫中生薑湯治肺虛寒羸瘦緩弱戰掉嗑吸胃滿肺癆方

生薑斤二 桂心 橘皮兩四

甘草 麻黃兩三

右五味以水一斗煮取二升半分三服先煎麻黃兩沸去沫然後入諸藥合煮治肺寒方

灸肺輸百壯

腎瀝湯治腎寒虛為厲風所傷語音嘶吃不能轉偏枯脚偏跛蹇緩弱不能動口喎言音混濁便利仰人耳偏聾塞腰背相引隨病用藥依源增損方

羊腎一具 黃耆 芍藥

桂心 當歸 人參

防風 甘草 五味子各三兩

玄參 茯苓 芍藥各四兩

磁石五兩 地骨皮二升 生薑八兩

右十五味以水一斗五升煮羊腎取七升下諸藥取三升去滓分三服可服三劑

茵芋酒治耳聾口敬等病方見別卷

乾地黃圓治腎虛呻吟喜恚怒反常心性陽氣弱腰背纏急髓冷方

乾地黃 山茱萸 天門冬

桂心 續斷各一斤 栝子仁

杜仲 牛膝 茯苓各四斤

茯苓 天雄 鐘乳各二斤

松脂 遠志 乾薑各三斤

菖蒲 薯蕷 甘草各一斤

右十八味末蜜丸梧子大酒服三十九日二加至四十九

治腎寒方

灸腎輸百壯

大巖蜜湯治賊風腹中絞痛并飛尸遺注發作無時發即搶心脹滿脇下如錐刀刺并主少陰傷寒方

梔子十五枚 甘草 乾地黄

細辛 羊脂青羊角亦得 茯苓

吳茱萸 芍藥小品用 乾薑

當歸 桂心各一兩

右十一味咬咀以水八升煮取三升去滓

內脂令烱分三服溫服相去如人行十里

須若痛甚者加羊脂三兩當歸芍藥人參

各一兩心腹脹滿緊急者加大黃三兩胡

不用梔子羊脂炭 芍桂心名巖蜜湯

小巖蜜湯治惡風角弓反張飛尸入腹絞痛

悶絕往來有時筋急少陰傷寒口噤不利方

大黃二兩 雄黃 青羊脂各一兩

當歸 乾薑 桂心

乾地黄 芍藥 甘草

細辛各四兩 吳茱萸三兩

右十一味咬咀以水二斗煮取六升分六

服重者加藥用水三斗煮取九升分十服

排風湯治諸毒風邪氣所中口噤悶絕不識人及身體疼煩面目手足暴腫者方

犀角 貝子 升麻

右四味治下篩為粗散以水二升半內四

方寸匕煮取一升去滓服五合殺藥者以

意增之若腫和難子傳上日三度老小可

斟酌加減神良亦可多合備用

烏頭湯治寒疝腹中絞痛賊風入腹攻五臟

拘急不得轉側叫呼發作有時使人陰縮手

足厥逆方

烏頭十五枚要

甘草二兩 芍藥四兩 桂心六兩

老薑一斤

右六味咬咀以水七升煮五味取三升去

滓別搗烏頭去皮四破蜜二升微火煎令

減五六合內湯中煮兩小沸去滓服一合

日三間食彊者三合以如醉狀為知不知

增之

治賊風所中腹內變急方

麻黃四兩 甘草一斤 石膏

鬼箭羽各九

右四味咬咀以東流水二升煮取一升頓

服之

論曰夫歷節風著人久不治者令人骨節蹉

跌變成癩病不可不知古今以來無問貴賤

往往苦之此是風之毒害者也治之雖有湯

藥而並不及松膏松節酒若羈旅家貧不可

急辦者宜服諸湯猶勝不治但於痛處灸三

七壯佳

防風湯治身體四肢節解如墮脫腫按之皮

陷頭眩短氣溫溫悶亂欲吐者方

防風 白木 知母

桂心各四兩 芍藥 芍藥

杏仁 甘草各三兩 半夏

生薑各五兩

右十味咬咀以水一斗煮取三升分四服

日三夜一古今錄驗方無半夏各人

羌活湯治中風身體疼痛四肢緩弱不遂及

產後中風方

羌活 桂心 芍藥

葛根 麻黃 乾地黄 各三兩

甘草 二兩 生薑 五兩

右八味㕮咀以清酒三升水五升煮取三升溫服五合日三服

防已湯治風歷節四肢疼痛如撻銀不可忍

者方

防已 茯苓 白朮

桂心 生薑 各四兩 甘草 三兩

人參 二兩 烏頭 七枚

右八味㕮咀以苦酒一升水一斗煮取三升半一服八合日三夜一當覺熱痺息

忽然慎勿怪也若不覺復合服以覺乃止

凡用烏頭皆去皮熬令黑乃堪用不然至

毒人宜慎之用千金翼不用苦酒

治濕風體痛欲折肉如錐刀所刺方

附子 乾薑 芍藥

茯苓 人參 甘草

桂心 各二兩 白朮 四兩

右八味㕮咀以水八升煮取二升日三服

一方去桂心用乾地黄二兩

大秦湯治歷節疼痛方

大棗 十五枚 附子 一枚 甘草 一尺

黃耆 四兩 生薑 二兩 麻黃 五兩

右六味㕮咀以水七升煮取三升每服一升日三服

犀角湯治熱毒流入四肢歷節腫痛方

犀角 二兩 羚羊角 一兩 前胡 二兩

黃芩 二兩 梔子仁 一兩 射干 各三兩

大黃 二兩 升麻 各四兩 豉 一升

右九味㕮咀以水九升煮取三升去滓分三服

治歷節諸風百節酸痛不可忍方

松脂 三十斤 鍊五十遍酒煮十遍不能

五十遍二十遍亦可鍊酥三升溫和松

脂三升熱攪令極調勻旦空腹酒服方

寸七日三數數食麩粥為佳慎血腥生

冷物酢果子百日已後瘥

松節酒治歷節風四肢疼痛由如解落方

松節 三十斤 猪椒葉 水四十斤 麩 一石

右二味澄清合漬乾麩五斤候發以糯米

四石五斗釀之依家醞法四酸勿令傷冷

熱第一酸時下後諸藥

栝子仁 天雄 草薢

苧蕒 秦朮 人參

茵芋 各四兩 防風 十兩 磁石 兩一

獨活 十二兩

右十味㕮咀內飯中炊如常酸法酸足訖

封頭四七日壓取清適性服之勿至醉吐

石膏湯逐風毒方

石膏 雞子 大 雞子 二枚 甘草 一尺

麻黃 三兩 杏仁 四十枚

右五味㕮咀以水三升破雞子內水中烱

令相得內藥煮取一升服之覆取汗汗不

出燒石燂取汗出為佳

治歷節風方

松膏 一升酒 三升浸七日每服一合日

再數劑愈

又方松葉三十斤酒二石五斗漬三七日服

一合日五六度